



ДОМ НАРОДА
ПРЕДСТАВНИЧКИ ДОМ

Комисија за избор и праћење рада
Агенције за превенцију корупције и
координацију борбе против корупције

DOM NARODA
PREDSTAVNIČKI DOM/ZASTUPNIČKI DOM

Komisija za izbor i praćenje rada
Agencije za prevenciju korupcije i
koordinaciju borbe protiv korupcije

Povjerenstvo za izbor i praćenje rada
Agencije za prevenciju korupcije i
koordinaciju borbe protiv korupcije

Broj: 05/8-50-14-485-7/16

Sarajevo, 3.3.2016.

Z A P I S N I K

6. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 17. 2. 2016., od 13 do 14,10 sati

Sjednicu Komisije za izbor i praćenje rada Agencije za prevenciju korupcije i koordinaciju borbe protiv korupcije (u daljem tekstu: Komisije) sazvala je predsjedavajuća Komisije Aleksandra Pandurević.

Sjednici su prisustvovali sljedeći članovi Komisije: Aleksandra Pandurević, Halid Genjac, Borjana Krišto, Bariša Čolak, Ivanka Marković i Anes Ličina.

Odsustvo sa sjednice pravdali su Hanka Vajzović i Darko Babalj.

Sjednici su prisustvovali i predstavnici institucija BiH, međunarodnih organizacija u BiH i medija, te službenici Sekretarijata Parlamentarne skupštine Bosne i Hercegovine (PSBiH):

- Sead Lisak, Dragan Slipac i Sreto Pekić, Agencija za prevenciju korupcije i koordinaciju borbe protiv korupcije,
- Jasmin Porobić, Vedrana Duraković, Sanela Jarović i Amina Mašović, UNDP,
- Maja Ribar i Dragana Gluhović, EUSR,
- Amina Nuhanović, Dnevni avaz,
- Bojan Ninković, sekretar Doma naroda PSBiH,
- Marin Vukoja, sekretar Predstavničkog doma PSBiH,
- Dubravko Brdar, šef kabineta predsjedavajuće Predstavničkog doma PSBiH,
- Iva Pelivan, savjetnica u kabinetu predsjedavajuće Predstavničkog doma PSBiH,
- Ljerka Bojić, rukovoditeljica Sektora za druga parlamentarna tijela PSBiH i
- Jovica Katić, sekretar Komisije.

Kako nije vođena rasprava o prijedlogu dnevnog reda, konstatirano je da 6. sjednica Komisije ima sljedeći

DNEVNI RED

1. Verifikacija zapisnika sa 5. sjednice Komisije,
2. Izbor drugog zamjenika predsjedavajuće Komisije za izbor i praćenje rada Agencije za prevenciju korupcije i koordinaciju borbe protiv korupcije,
3. Razmatranje Informacije po inicijativi za zaključivanje memoranduma o saradnji između Ureda za reviziju institucija BiH i Agencije za prevenciju korupcije i koordinaciju borbe protiv korupcije (sačinilac: Koordinacioni odbor vrhovnih institucija za reviziju),
4. Razmatranje Informacije o dokumentu koordinacija politika prevencije korupcije (sačinilac: Agencija za prevenciju korupcije i koordinaciju borbe protiv korupcije);
5. Razmatranje Izvještaja o provedbi Zakona zaštititi lica koja prijavljuju korupciju u institucijama BiH u 2015. godini (sačinilac: Agencija za prevenciju korupcije i koordinaciju borbe protiv korupcije);
6. Razmatranje zahtjeva za ispunjavanje obaveza iz Strategije za borbu protiv korupcije 2015. - 2019. i Akcionog plana za provedbu Strategije za borbu protiv korupcije 2015. - 2019. (sačinilac: Agencija za prevenciju korupcije i koordinaciju borbe protiv korupcije)
7. Razmatranje Izvještaja o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2015. godinu (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije),
8. Razmatranje Prijedloga Poslovnika o radu Komisije za izbor i praćenje rada Agencije za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije),
9. Razmatranje Prijedloga odluke o raspisivanju javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije),
10. Razmatranje Informacije u vezi sa aktivnostima vezanim za uspostavu Globalne organizacije parlamentaraca za borbu protiv korupcije (GOPAC) u Parlamentarnoj skupštini BiH (sačinilac: sekretar Komisije za izbor i praćenje rada Agencije za prevenciju korupcije i koordinaciju borbe protiv korupcije),
11. Tekuća pitanja.

Ad.1. Verifikacija zapisnika sa 5. sjednice Komisije

O prijedlogu zapisnika nije vođena rasprava.

Komisija je jednoglasno usvojila Zapisnik sa 5. sjednice Komisije.

Ad.2. Izbor drugog zamjenika predsjedavajuće Komisije za izbor i praćenje rada Agencije za prevenciju korupcije i koordinaciju borbe protiv korupcije

Halid Genjac, član Komisije, za drugog zamjenika predsjedavajućeg predložio je predstavnika nevladinog sektora u komisiji Anesa Ličinu.

Kako nije bilo novih prijedloga, Komisija se izjasnila o prijedlogu Halida Genjca.

Sa pet glasova „za“ i jednim „suzdržanim“ glasom, bez glasova „protiv“ za drugog zamjenika predsjedavajuće Komisije za izbor i praćenje rada Agencije za prevenciju korupcije i koordinaciju borbe protiv korupcije izabran je predstavnik nevladinog sektora u Komisiji Anes Ličina.

Ad.3. Razmatranje Informacije po inicijativi za zaključivanje memoranduma o saradnji između Ureda za reviziju institucija BiH i Agencije za prevenciju korupcije i koordinaciju borbe protiv korupcije (sačinilac: Koordinacioni odbor vrhovnih institucija za reviziju)

Aleksandra Pandurević, predsjedavajuća Komisije, u uvodnim napomenama navela je da je Koordinacioni odbor vrhovnih institucija za reviziju ovaj dokument dostavio kao odgovor na inicijativu Komisije zaključivanje memoranduma o saradnji između Ureda za reviziju institucija BiH i Agencije za prevenciju korupcije i koordinaciju borbe protiv korupcije. Članove Komisije i rukovodstvo Agencije upoznala je direktor Ureda za reviziju institucija BiH izrazio svoju spremnost za saradnju sa Agencijom za prevenciju korupcije i koordinaciju borbe protiv korupcije, ali i da je ocijenio da bi potpisivanje zajedničkog sporazuma između dvije institucije bilo u suprotnosti sa zakonskim normama, obzirom da Ured za reviziju, između ostalih, vrši reviziju finansijskog poslovanja i ove Agencije.

Sead Lisak, direktor Agencije za prevenciju korupcije i koordinaciju borbe protiv korupcije, naveo je da su čelni ljudi Ureda za reviziju institucija BiH nedavno posjetili ovu Agenciju i da su, tokom zajedničkog sastanka sa rukovodstvom ove Agencije, riješili određene ranije nesporazume, izražavajući vjerovanje da će se buduća saradnja između predstavnika ovih institucija temeljiti na određenim zajedničkim aktivnostima koje proizilaze iz usvojene Strategije za borbu protiv korupcije za period 2015. - 2019. i akcionog plana za njenu provedbu.

Komisija je zatim jednoglasno primila k znanju Informaciju po inicijativi za zaključivanje memoranduma o saradnji između Ureda za reviziju institucija BiH i Agencije za prevenciju korupcije i koordinaciju borbe protiv korupcije.

Ad.4. Razmatranje Informacije o dokumentu koordinacija politika prevencije korupcije (sačinilac: Agencija za prevenciju korupcije i koordinaciju borbe protiv korupcije)

Sead Lisak, direktor Agencije, u uvodnim napomenama naveo je da je ova Informacija sačinjena u skladu sa obavezama koje proizilaze iz odredbi člana 22. i 23. Zakona o Agenciji za prevenciju korupcije i koordinaciju borbe protiv korupcije, a sadržane su i u Strategiji za borbu protiv korupcije za period 2015. - 2019. i akcionom planu za njenu provedbu.

Borjana Krišto, članica Komisije, sugerisala je direktoru Agencije da postojeću Informaciju dopune sa podacima koji se odnose na uspostavljanje tijela za sprečavanje korupcije u kantonima u Federaciji BiH, obzirom da se koordinacija politika prevencije korupcije sprovodi na svim nivoima vlasti u BiH.

Prihvatajući prijedlog Borjane Krišto, Komisija je jednoglasno primila k znanju predmetnu Informaciju, uz zaključak kojim se od Agencije zahtijeva dopuna informacije u vezi sa uspostavom tijela za sprečavanje korupcije i pripremu strateških dokumenata u kantonima u Federaciji BiH.

Ad.5. Razmatranje Izvještaja o provedbi Zakona zaštiti lica koja prijavljuju korupciju u institucijama BiH u 2015. godini (sačinilac: Agencija za prevenciju korupcije i koordinaciju borbe protiv korupcije)

Aleksandra Pandurević, predsjedavajuća Komisije postavila je rukovodstvu Agencije upit u vezi sa zakonskim pretpostavkama koje se dovode u vezu sa nemogućnošću dobijanja statusa zaštićenog svjedoka za određeni broj lica.

Sead Lisak, direktor Agencije, naveo je da ta lica nisu državni službenici i uposlenici institucija vlasti na nivou države Bosne i Hercegovine, obzirom da se važeći Zakon bavi prvenstveno zaštitom lica koja prijavljuju korupciju u institucijama BiH.

U daljoj raspravi po ovoj tački dnevnog reda učestvovao je i zamjenik direktora Agencije Dragan Slipac.

Komisija je zatim jednoglasno podržala Izvještaj o provedbi Zakona zaštiti lica koja prijavljuju korupciju u institucijama BiH u 2015. godini

Ad.6. Razmatranje zahtjeva za ispunjavanje obaveza iz Strategije za borbu protiv korupcije 2015. - 2019. i Akcionog plana za provedbu Strategije za borbu protiv korupcije 2015. - 2019. (sačinilac: Agencija za prevenciju korupcije i koordinaciju borbe protiv korupcije)

Sead Lisak, direktor Agencije, u uvodnim napomenama, između ostalog, naveo je da su prilikom izrade Strategije za borbu protiv korupcije 2015. - 2019. i pratećeg Akcionog plana za provedbu ove Strategije, definisani i određeni rokovi, kao i indikatori ispunjenosti pojedinih specifičnih mjera iz akcionog plana. S tim u vezi ovaj dokument predstavlja zahtjev koji je upućen institucijama vlasti BiH za ispunjavanje njihovih obaveza u vezi sa implementacijom ovih mjera.

Kako po ovom dokumentu nije vođena dalja rasprava, Komisija je jednoglasno primila k znanju zahtjev Agencije za ispunjavanje obaveza iz Strategije za borbu protiv korupcije 2015.-2019. i Akcionog plana za provedbu Strategije za borbu protiv korupcije 2015.-2019.

Ad.7. Razmatranje Izvještaja o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2015. godinu (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije)

O prijedlogu izvještaja nije vođena rasprava.

Komisija je jednoglasno usvojila Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2015. godinu i uputila ga domovima Parlamentarne skupštine BiH u dalju parlamentarnu proceduru.

Ad.8. Razmatranje Prijedloga Poslovnika o radu Komisije za izbor i praćenje rada Agencije za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije)

Aleksandra Pandurević, predsjedavajuća Komisije, podsjetila je da je na Prijedlog poslovnika jedan amandman podnio član Komisije Halid Genjac.

Halid Genjac, član Komisije, ukratko je obrazložio amandman koji je podnio na član 23. Prijedloga poslovnika, a kojim se precizira proces provjera kroz koje prolaze kandidati za direktora Agencije i njegove zamjenike.

U diskusiji po ovoj tački dnevnog reda učestvovali su članovi Komisije Borjana Krišto i Halid Genjac.

Po okončanju rasprave, Komisija se najprije izjasnila o amandmanu Halida Genjca.

Komisija je jednoglasno usvojila amandman koji je na Prijedlog poslovnika podnio član Komisije Halid Genjac.

Zatim je, također, jednoglasno usvojen i Poslovnik o radu Komisije za izbor i praćenje rada Agencije za prevenciju korupcije i koordinaciju borbe protiv korupcije, sa ranije usvojenim amandmanom kao sastavnim dijelom teksta Poslovnika.

Ad.9. Razmatranje Prijedloga odluke o raspisivanju javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije)

Aleksandra Pandurević, predsjedavajuća Komisije, upoznala je prisutne sa zakonskom obavezom Komisije, koja proizilazi iz odredbi člana 13. stav (5) Zakona o Agenciji za prevenciju korupcije i koordinaciju borbe protiv korupcije, koja podrazumijeva da se procedura izbora novog rukovodstva Agencije pokreće šest mjeseci prije isteka mandata.

Komisija je potvrdila predloženu odluku, sa zaključkom da Javni konkurs iz tačke I. Odluke bude objavljen u "Službenom glasniku BiH", "Službenom glasniku Brčko Distrikta BiH" i na veb-stranici Parlamentarne skupštine BiH, a obavještenje o javnom konkursu u dnevnim listovima: "Večernji List", "Blic" i "Oslobođenje".

Rukovodilac Sektora za druga parlamentarna tijela Sekretarijata Parlamentarne skupštine BiH i sekretar Komisije za izbor i praćenje rada Agencije za prevenciju korupcije i

koordinaciju borbe protiv korupcije zaduženi su da za narednu sjednicu Komisije pripreme prijedlog teksta javnog konkursa.

Ad.10. Razmatranje Informacije u vezi sa aktivnostima vezanim za uspostavu Globalne organizacije parlamentaraca za borbu protiv korupcije (GOPAC) u Parlamentarnoj skupštini BiH (sačinilac: sekretar Komisije za izbor i praćenje rada Agencije za prevenciju korupcije i koordinaciju borbe protiv korupcije)

Aleksandra Pandurević, predsjedavajuća Komisije, u uvodnim napomenama navela je da su članovi Komisije u materijalima za ovu sjednicu dobili Prijedlog povelje o osnivanju GOPAC ogranka u PSBiH.

Jovica Katić, sekretar Komisije, upoznao je kratko prisutne članove sa dinamikom izrade prijedloga ovog dokumenta, te naveo da je šest članova PSBiH, predstavnika oba doma, iskazalo interes za učešćem u radu GOPAC ogranka PSBiH.

Aleksandra Pandurević, u okviru rasprave, predložila je izmjenu člana 7. Prijedloga povelje, na način da se riječi „po jednog predstavnika svakog konstitutivnog naroda“ mijenjaju riječima „jednu trećinu prisutnih predstavnika svakog konstitutivnog naroda“.

Bariša Čolak, član Komisije sugerisao je da Prijedlog povelje u sebi sadrži i odredbe koje se tiču kvoruma za rad i odlučivanje GOPAC ogranka PSBiH, koji bi iznosio nadpolovičnu većinu od ukupnog broja članova GOPAC ogranka PSBiH.

U diskusiji po Prijedlogu povelje učestvovali su članovi Komisije Borjana Krišto, Halid Genjac i Bariša Čolak.

Halid Genjac, član Komisije, predložio je da Komisija za narednu sjednicu odgodi izjašnjavanje po Prijedlogu povelje, kako bi se do nje mogli kvalitetno pripremiti svi potrebni amandmani na njen tekst.

Komisija je jednoglasno podržala prijedlog člana Komisije Halida Genjca, čime je izjašnjavanje po Prijedlogu povelje o osnivanju GOPAC ogranka u PSBiH odgođeno za narednu sjednicu.

Ad.11.Tekuća pitanja

Jasmin Porobić, predstavnik Razvojnog programa Ujedinjenin Nacija (UNDP) u okviru tekućih pitanja, članovima Komisije za izbor i praćenje rada Agencije za prevenciju korupcije i koordinaciju borbe protiv korupcije, predstavio je projektne aktivnosti koje UNDP u BiH, u saradnji sa Agencijom i Komisijom, planira realizovati na polju prevencije i borbe protiv korupcije. Naglasio je da se čitav projekat svodi na četiri oblasti podrške koju UNDP pruža institucijama BiH: provođenje programa obuke i podrška u uspostavi institucionalnih mehanizama za borbu protiv korupcije, zatim tehnička podrška i pomoć, stvaranje platforme za dijalog institucija na različitim nivoima vlasti po pitanju prevencije i borbe protiv korupcije, te pružanje pomoći sa aspekta međunarodne i regionalne saradnje. Zaključio je da je okviru ovog projekta UNDP do sada saradivao sa institucijama vlasti na državnom nivou vlasti, te da će u narednom periodu svoju saradnju programirati i na institucije na nižim nivoima vlasti, prvenstveno entitetske. Izrazio je uvjerenje da će ovaj projekat rezultirati neposrednijim dijalogom između Komisije i UNDP-a u narednom periodu.

U ime Komisije u raspravi po ovoj tački dnevnog reda učestvovali Halid Genjac i Aleksandra Pandurević.

Sjednica je okončana u 14,10 sati.

Sastavni dio ovog zapisnika čini tonski snimak 6. sjednice Komisije.

Sekretar Komisije
Jovica Katić

Predsjedavajuća Komisije
Aleksandra Pandurević

Dostavljeno:

- naslovu
- a/a